

# H A R A N G V E

A V R O Y, A L A R O I N E,  
E T A V X H O M M E S F R A N Ç O I S,  
sur l'entretènement & reconcili-  
ation de la paix, & entree  
dudit Seigneur en  
ses villes.



A P A R I S,  
Pour Geoffroy Perichel, au chef saint  
Iean, au long des murs du Palais.  
A V E C P E R M I S S I O N.




Case  
F

39

326

1588gg

THE NEWBERRY  
LIBRARY



1891  
The General Periodical, 1891  
1891  
A. T. B. P. M. I. S. I. O. N.





**H A R A N G U E A V R O Y, A L A**  
 Royne, & aux hommes François, sur l'entretene-  
 ment & reconciliation de la paix, & entree dudit  
 Seigneur en ses Villes.



**S**IRE, les fleurös de Liz qui  
 couronnent vostre Maje-  
 sté, ce sont les insignes &  
 ioyaux de paix que vous  
 gagnez en pur gaing &  
 aduantage sur les Rois &  
 Princes esträgers : lesquels  
 poussez de leurs passions  
 desmesurees, ont cuidé estre le plus seur moyen  
 d'aggrädir les pays cöfins & limitrophes de leurs  
 Empires, par fers & armës attrempees & forgees  
 par l'ouurier mortel ; Que non (à l'exemple de  
 Theopompe) les accroistre par loix & statuts, les  
 seuls fondemës & deffenses durables des Royau-  
 mes. Je ne me puis tant commander, Sire, quë ie  
 ne condamne l'ambition trop gloute de ce Cesar,  
 qui pour aspirer à l'Empire ne doutoit de violer  
 & enfreindre les loix Romaines, faisant vertu de  
 les transgresser pour vn si sainct vœu. Certes tel

leſſeing & ſi lourd aduis ſonnoit mal en vn Ro-  
 main & de telle marque, pour meritoiremēt deſ-  
 ſeruir la couronne de Myrte. Et ſi c'eſtoit ſe mal  
 accouſtrer de l'opinion & cōſeil que Pyrrhe Roy  
 des Epirotes donnoit à ſes enfans, ou Philippe  
 Macedon à Alexandre: qui eſtoit de briguer les  
 Empires pluſtoſt par vertu, que par faueurs, am-  
 bitions, ou menees. Abon droit, Sire, i'ay vou-  
 lu parler des loix & ſtatuts, comme eſtans la prin-  
 cipale colonne & pillier de voſtre Royaume, &  
 ſans l'eſtroict lien deſquelles loix l'eſtat de vo-  
 ſtre dict Royaume ſe ſubuertiroit: voire (comme  
 dit Demoſthene) avecques telle brutalité & in-  
 punité de vices, que nous ne differerions en rien  
 de vie à celle des bruts. Le ſeul meſpris & meſeſti-  
 me des loix (Sire) ne charroye & apporte avec-  
 ques ſoy que diuiſions & guerres inteſtines aux  
 Royaumes, ſubuerſions & deſarrois des choſes  
 publiques: Et au contraire, où la loy commande,  
 deſſend, permet, & punit, là toutes choſes ſont re-  
 tenues en leur entier, au grād repos & vnion des  
 mortels, paix & tranquillité des Republiques. Je  
 ne trouue & ne ſçay vrayemēt, Sire, Republique  
 (voire fuſſe celle des Locrois) où la loy ait plus  
 commandé, & qui ait plus flory en grādeur, paix  
 & vnion, que celle des Spartes, tant immortalifée  
 par les liures: comme bien à propos nous liſons  
 d'Archidame, qui enquis qui eſtoient les Princes  
 & potentats de Sparte, reſpondit que c'eſtoient

les loix. Ceste Republique, Sire, où les loix sont  
sallement honnies & foulées aux pieds, ne peu  
qu'elle ne ruine, pour honteusement tomber en  
proye & souz l'obeyssance & seruitude de ses ad  
uersaires. Car où les loix sont deflories, crainte  
n'y est plus, dont s'en ensuit inobeyssance: & ou  
mespris & inobeyssance regnent, là toutes chose  
impunement sont loisibles. Là c'est acte & œu  
re meritoire (comme dit Platon) de chasser aux  
honneurs, de briguer, seditionner, & iniustement  
de tollir l'autrui.

Sire, depuis que ces prouocables, *le mië, le tië, & le sien*, ont esté vsagerement receuz entre les mor  
tels cōtre la loy de Dracō, τῷ ἀλλοτρίῳ ἀφίτασθαι,  
l'estat des Republicques a esté confusement sub  
uert, & les peuples d'icelles diuisez. Car (comme  
dit Hermogenian, ces pronoms, *le mien, & le tien*,  
ont esté les premieres semences & racines des  
guerres ciuiles. Ce Platon, comme tousiours di  
uin, pour accourir à toutes embusches de seditiōs,  
a ordonné en sa Republique societé & vnion de  
toutes choses, voire & des enfans: estimant (&  
sainement certes) partialité estre la seule flam  
mesche & fusil des seditions & esmeutes. Auons  
nous (dit-il) peste ou contagion plus pernicieu  
se en la Republique, que ce qui la diuise? ou cho  
se plus sainte & aimable que ce qui l'vnit, & re  
concilie? Tout ainsi, Sire, que le temperament  
ou harmonie de ce corps humain se cōmunique



le depart proportionnément és autres parties: voire que si l'Endelechie, ou ame mouuante est mal affectee, tout le corps soudain s'en ressent. Ainsi il faut és Republiques bien policees, part de communication estre faite entre les peuples. Nicelles, tant des heureux succès des choses, que des mesauentures ou desastres: autrement chez les Latins mentiroient ces vocables de Cité & Republique, ou tels semblables synonymes.

Sire, i'ozeraý bien dire, en esperance d'estre creu, que le seul fondement & soustien de vostre Royaume, c'est l'establissement & obseruance vsagere de vos loix & Edicts, esquels seuls repose iustice, liberte, & l'habitude & vnion de vos bons subiets naturels: sans la cõmune vsance desquels, vos manoirs royaux, vos belles citez, nos maisõs & familles, voire & toute ceste Monarchie cõfusseemēt se subuertiroit, & decherroit de fonds en cõble. Sire, continuez, & tenez main aux loix anciennes des Roys vos ayeulx, à l'exẽple de Pausanias, qui enquis pourquoy en Sparte il n'estoit loisible d'innouer aux loix anciennes, Partant (respondit-il) que les rtes, Sire n'ont point d'authorité sur nos loix. Cehommes, vous ne deuez moins mettre l'armet en teste, & faire marcher le soldat dessous vos enseignes pour repousser l'ẽnemy des frõtieres, garder, ou deffendre vos forteresses, que pour le soustenemēt & entretien de vos loix & Edicts: car, Sire, vos subiects peuent



bien viure en paix & vnion sans mur ou rampart mais sans loix ou statuts, paix & cōcorde ne peut subsister en vostre Royaume. Je tien doncque pour vn theoreme, Sire, que les hommes sont serfs des loix, pour par elles estre gardez & maintenus en leurs libertez: l'enten celle liberté par laquelle il est loisible à vn chacun de faire ou soy aduire honnestement à ce qu'il luy plaist: Lesquelles loix Porcie Caton appelle les nerfs de la citez, l'ancre & gouuernail des choses publiques. Toutesfois, Sire, l'effrontee audace d'aucuns trop mutins est telle & si acrée, que les loix à leur respect ne semblent estre que toyles d'araignes, ainsi que disoit Anacharsis le Scythe: Soy voulans eux-mesmes forger & bastir des loix à leurs plaisirs sensuels, & au desir de leur chair: cōme Cesar feit par sa loy Iulie, par laquelle il multiplioit & punissoit du dernier supplice ceux qui solennellement ne vouloyent iurer en ses loix.

Sire, auioird'huy il y a plus de Cleons, de Iugurthes, ou de Catilines és cueurs des Republiques, qu'il n'y eut encor oncques: Et certes sont rares ceux qui condignement desseruiroyent la Couronne de chefne ou d'oliue, le seul ioyau & guerdon de paix: Car l'enflée & alteree ambitiõ tellement huy librement commande sur les hommes, que leurs pensees, leurs actions & estudes ne tendent & aspirent qu'à la totale ruine & subuersion des Monarchies. Tout ainsi, Sire, que la mer

## H A R A N G V E

qui de sa nature est calme & bonace, est veüe agi-  
 ee par l'orage & horreur des vents: Ainsi l'estat  
 des Republiques, qui de soy est tranquille, est  
 troublé & subuerty par la voix pesteuse & hosti-  
 le des seditieux, perturbateurs & ennemis du re-  
 pos public. Sire, telles libertez & insolences im-  
 punies ne prouiennēt que du seul mespris & con-  
 temnement des loix, qui huy sont sans ame, n'ayāt  
 n'ang ne force pour la iuste crainte que elles ont  
 de ceux mesmes qui les deuoyent craindre, che-  
 rir & reuerer. Tout ainsi, Sire, que le Chirurgien,  
 cauterise ou coupe du tout le membre mort &  
 pourry, pour crainte qu'il ne corrompe ou putri-  
 fie les autres parties saines & bien affectees, ainsi  
 faut-il, pour la conseruation & repos des choses  
 publiques, exiler ou du tout exterminer les re-  
 belles, pour crainte qu'ils n'endommagent les  
 bien nez à la grande iacture & ruine de l'estat pu-  
 blic. Ce que, Sire, & sans controuerse m'accorde-  
 ront ceux qui n'ont rien tant cher que la iuste pu-  
 nition des infracteurs & contempteurs de vos  
 loix & Edicts. A bon droit, Sire, ie tien donc-  
 ques pour coupables de leze Majesté, ceux qui  
 tant outrecuident & osent, que de tant transgres-  
 ser & enfreindre vos loix sainctes, lesquels com-  
 me perdus & deplorez, à l'exemple d'un Hero-  
 strate, veulent cōsacrer leurs noms à l'autel d'im-  
 mortalité, plustost par le demerite & desserui-  
 ce d'une lasche coniuration ou impression domma-  
 geable

geable, que par quelques faits valeureux, vertueuses ou heroïques prouësses, les seuls & iustes argumens ( comme disoit Socrate ) d'estre nourry au Prytanee, ou plustost de condignement desseruir le nom d'Aristide : qui pour auoir bien meritè de l'Aristocratie, fut de tous appellé le iuste.

Sire, ie n'ay rien tant frequent & familier en mes souhairs, prieres & actions de graces, que de voir vn iour glisser & laschement chopper à leurs courtes hontes **ceux** qui obliquement cuidèt introduire & acheminer paix és cueurs des Prouinces de vostre Royaume, simuleement ayans leurs desseins clos au **cœur**, & le contraire prompt és leurs. C'est chose incongrue & absurde, Sire, que de voir tels medecins qui veulèt guarir les playes d'autruy, quand **eux** mesmes ils sont pleins d'ulceres. Sire, pour la police & instruction d'une Republique ie ne voudroy tant me desuoyer que de prédre le chemin de l'escolle de tels precepteurs, & craindroy d'un bõ politic deuenir vn mauuais gendarme. Car cõme dit ce grand Orateur: Tout desseing & complot ambitieux, impatient de repos, est ennemy public de paix & liberté. Vous n'ignorez, & ne vous fuit point, Sire, que telles simuletez n'ayent esté les premieres causes de la subuersion de l'Estat public Athenien, qui commença à decliner & decheoir par le seul mespris & contemnement des loix anciennes: Car tellement les hydropiques auares & ambitieux com-



nencerent à briguer & gagner les suffrages & voix populaires par factions, corruptions & menées obliques, qu'ils s'inuestirent & emparerent des premieres chaïses & degrez d'honneur, abolissans toutes loix, sinon celles qui deferoyent à leurs impûnitez & tyrannies, comme serues & ministres de leurs passions.

Sire, ce ne m'a esté chose oïseuse que d'auoir ainsi librement traité du proffit & singulier bien des loix sainctes, comme estans l'ame & les nefs des citez, le fondement & stable colonne des choses publiques: Car tout ainsi qu'il ne feroit seur de voguer & faire voile par les costes & traueses des mers, s'il n'y auoit ports ou haures, pour l'esperoir qu'on auroit à la moindre tourmète de les gagner pour s'y heberger: Ainsi feroit-il dangereux de viure & conuerser es villes & provinces, si l n'y auoit des loix, pour par elles estre gardez & maintenus en protection contre les aggressions des mal-vueillans & coupables. Sire, il se voit assez que les loix sont créées & establies pour iustement & exemplairement punir les delinquans, & maintenir les bons en leurs libertez: autrement les citez & villes des Royaumes ne seruiroyēt que d'asyle & damnable retraicte aux deplorablez & proscripts, à la totale subuersion des choses publiques. Sire, la loy est de tel poix, de telle energie & maïesté, qu'elle a seule en main le proiect & dessein des affaires de tous les Royau



mes Chrestiens, laquelle iustement & à bon droit ie puis appeller la mere nourrice de paix. Toutesfois, Sire, ie n'ay choisi icy seulement de parler de celle loy que nature ( accompagnee de raison ) liberalement nous departiroit, ains de celle que le Seigneur auroit escrite & imprimee au plus secret du cueur des fideles, par laquelle seule se cõgnoist le peché, n'estant donnee & escrite que pour nos trãsgressiõs & fautes cõmises la fin & perfection de laquelle c'est Christ. Sire, ce ne sera chose impertinente, & hors de propos si ie dy que le seul argument & motif de ces guerres ciuiles, c'est le mespris de la loy & iustice, les semences & vrais fruiçts de la crainte de Dieu. En ne doute que tels contempteurs ne soyent touschez de sa main comme reprouuez. Car ( comme dit le Prophete ) tout ainsi que le flambeau de feu consume le chaume, & la flâme friolle la paille, ainsi fera la racine de tels peruers faite comme pourriture, & leur germe montera comme poussiere, d'autât qu'ils ont reietté la loy du Seigneur des batailles, & ont blasphemé la parole du saint d'Israël. Sire, laissons manier & dresser telles guerres, & impressions belliques aux Indoïs de Calicuth, aux Canibales, aux insulaires de Madere, de Canarie, & aux Barbares des plus esloignées Garamantes, comme choses indignes du nom du François. Sire, ores est le siecle & l'annee où la paix doit florir & germer entre les Rois

si fortunément heurez, que d'estre nommez du nom de Chrestien: Entre lesquels, Sire, cōdignement vostre Maiesté sied sur le plus haut & eminent throsne. C'est ores, Sire, où les armes noisives doiuent deferer à la paix, ainsi que le promet Esaye, Le Dieu des armées (dit-il) iugera entre les gens, & reprendra plusieurs peuples: ils forgeront leurs espees en coutres, & leurs lances en faux: Vne gent n'esleuera plus l'espee contre l'autre, & ne s'addonneront plus à la guerre. Sire, c'est chose estrāge & intollerable d'ouyr plus le murmure & blaspheme d'aucūs outrecuidez mutins, lesquels si hautainement herissent leurs sourcils, & refroignent leurs fronts eshontez, qu'ils semblent, tant sont enorgueillis, qu'ils ne tiennent que d'eux & de l'espee: s'appuyans & glorifians plus en leurs armes materielles, que ne fait oncques Pelee en sa Machere. Sire, la hauteſſe de tels hommes sera abbaissée, & leurs yeux esleuez seront humiliez: Car Dieu l'Eternel est surhaussé, & paroist sur tous les Cedres du Liban, sur les chesnes de Basan, voire sur toute haute tour, mur, ou forteresse. Sire, i'estime tels bouchers acharnez & alterez du sang humain, indignes du nom de Chrestien: Car qui feroit anatomie de leurs cueurs mal-sains, il ne ſy trouueroit rien que ſacs, meurdres, tueries, & guerres ciuiles.

Ores iugez, Sire, & poisez de vostre naifue & coustumiere equité, quelle symphonie & allian-

ce il y a entre la guerre & Iustice. Ce que, Sire, indoutablement se peut resoudre par le commun dire & parler d'Antigone, qui dit (à vn qui luy presenta vn liure traittât de Iustice:) Qu'il estoit mal aduisé de disputer des loix & iustice avecques luy, qui n'auoit rien tant cher & plus en deuotion que les guerres. Sire, entretenez vos Irenarches, vos Preuosts & protecteurs de paix & repos public. Sire, tenez la main à leurs sains conseils, faites inuiolablement entretenir vos loix & Edicts, afin que la vie de vos subiets soit reglee par actes iustes & cōdignes, vous acquerant par ce seul moyen loz & nom immortel en la suite des Commandemens du Seigneur. Sire, comme la clemence & douceur debonnaire qui vous enuironne de soy incline à la paix & repos de vostre Royaume: Ainsi doncques, mettez y la main ouuriere avecques Dieu, qui seul liberalement la nous peut liurer, & cōgnoissez, Sire, que ces mōstrueuses guerres ne procedent que du seul peché de vos subiets: car le Dieu des Exercites, le fort d'Israël quand il luy plaist desbande la terreur de sa puissance, pour avecques son appareil mettre les entendemēs des mortels en crainte & frayeur. Sire, ne souffrez ligues & partialitez en vostre Royaume: Esteignez & accoisez tels diuorces & haines mortelles, les seuls argumens des guerres ciuiles. Et regardez de vostre œil de pieté vos paures subiets tāt foulez & profligez des guer-



res passées. Sire, ne souffrez ainsi aneantir & aut-  
 ter l'ordre & pristin estat de vos Republiques, tât  
 bié ordōnees & establies par les Rois vos ayeuls.  
 Et faites, Sire, comme le poisson Daulphin, qui  
 par vne tourmēte & orage, voyāt le nauire prest  
 à se submerger, soudain accourt à l'ācre de la nef,  
 & de toute force le serre & estreint, pour crainte  
 qu'il ne soit arraché par le torrent & effort des  
 vagues. Ainsi, Sire, au milieu de tant de souffert-  
 es & troubles, saisissez l'ancre & gouuernail de  
 vos Republiques, pour par vostre meur conseil &  
 dexterité de vostre main, estre restituees & resta-  
 blies en leur premier estre, au mal-gré des sedi-  
 tieux & ennemis du repos commun. Sire, punis-  
 sez telles pestes, tels poisons, tels monstres, qui  
 plus qu'enragez abboyent contre la paix & tran-  
 quillité de vostre Royaume. Ne vous souffrez  
 deceuoir, Sire, par leurs leures mensongeres &  
 emmiellez propos: Fuyez à force de rames & de  
 voiles leurs attrayantes harangues, non plus ne  
 moins (comme dit Agapete) que les manieres de  
 raurir dōt vsent les corbeaux: car les corbeaux ar-  
 rachent les yeux du corps, & tels seduēteurs arra-  
 chēt les yeux de l'ame: & estouppēt l'odeur & sēti-  
 mēt de l'esprit, ne souffrās qu'on entēde & cōçoi-  
 ue la verité des choses par leurs ruses & menees,  
 desguisans le mal en bien, & le bien en mal, cōme  
 publics ennemis de verité. Sire, le don & octroy  
 de la paix est en horreur à tels Catilines, ou plu-



stoit Diagores & Protagores atheisez, qui tellement ont leurs leures diuerties, & leurs cueurs empestez & touchez de la dégrace de Dieu, qu'ils ne rient sinon quand ils voyent quelques prises ou picques entre les Princes & alliez de vostre sang, pour l'alteré desir qui les pousse d'esmorcher la pistole, & morguer dessus le courfier, prins par force chez le marchand ou le laboureur, à payer aux Grecques calêdes. Et toutes les proüesses & exploicts de guerre & dignes du triomphe que font tels soldats, Sire, c'est d'espeurer & accraintir les païsans, & leur faire accroire par menaces qu'ils leurs doiuent rentes ou tels droicts sensuels, & leur en faire passer congnoissances. Bref, Sire, ce sont des autres Thraçons gens d'armes, que quand pour la suyte & deuoir de vostre seruice il faut liurer bataille à l'ennemy, ou donner assault à la breche, à l'exemple des aduocats illetrez, ils demandent iour pour y aduiser: eux couurans honteusement du Stratageme de Thraçon, ce vaillât guerrier, qui disoit: Qu'il escheoit aux sages d'essayer & experimenter l'entree des appareils hostils plustost par conseils que par armes: Sire, ce seroit errer de tout le ciel, que de iuger des braueries de tels champiõs par leurs troignes & fiertez hautaines, non plus ne moins que qui estimeroit le lyon par ses ongles. Non, non, Sire, il faut reprimer tels mutins, plus que forcez & enuieillis en leurs insolences, tellement

quel exemple en demeure à toutes personnes: & afin que par tel exemplaire vos bien nez & fideles subiets naturels, soyent à bon droict occasionnez de continuer de bien en mieux, les erres de vos bons seruices, voire iusques à la derniere periode de leurs propres vies, sans y esparagner perils ou dangers quelsconques, ainsi que vostre grandeur & Majesté cōdignemēt le desseruiroit. Sire, le Prince droicturier, & tel que vous estes faisant iustice de tels deplorez, est trop pl<sup>9</sup> resplendissant que le Soleil: Car le Soleil fait & quitte place à la nuit suyante, faultrice & receleuse des peruers: mais le Prince comblé d'integrité & rondeur paroist tousiours en sa naïfue & parfaite lueur, n'endurant l'impureté & meschanceté des coupables par la lumiere de verité, mettant en euidence leurs iniquitez cachees, pour iustice exemplaire en estre faite à la rigueur & desir de la loy escrite. Sire, recueillons à pleines mains les fruiçts sauoureux de ceste saincte paix, laquelle cest Orateur, & à bon droict, appelle vne tranquille liberté.

Et vous, M A D A M E, mettez y la main ouurriere, comme celle qui auez en main, apres la nous auoir liuree & departie, de la nous maintenir & conseruer contre les efforts hostils & subtils aguets des ennemis de la tranquillité & repos public. Madame il n'y a rien si populaire que la paix, de laquelle profitablement se ressentent

non

non seulement ceux qui seroient fournis & pourueuz de raison, ainçois les bruts, & mesmes les mers, les citez, les châps & terres arables. Certes, Madame, le nom de la paix est doux, & est de foy chose salutaire. Doncques pour tât que tenez chere nostre France, continuez d'un trauail iournalier à la replanter, & en terre si ferme & stable, que la voix hostile & ventueux orage des seditionneux ne la puissent surplanter, voire seulement esbrâler à la totale ruine & subuersion de nos citez & belles prouinces. Madame, i'ay osé vous faire ceste digression, comme à celle qui apres le Roy seule auez en main la hache & le Caducee: Car il ne me fuit point combien heureusement vous scauez bastir & deliberer vne guerre, où l'vrgence & necessité le requiert: & aussi cōposer & faire vne paix, où elle nous est saine & salutaire. Non, non, Madame, c'est peu des actiōs & exploits de guerre des mortels, s'ils ne sont regis & gouuernez par cōseil: car la raison & cōseil est trop plus fort que la main. Certes, Madame, ie craindroy trop plus vn sage & bien aduisé, que ie ne feroiy vn ignare; tant fut-il fort, robuste, & vaillant guerrier. Ainsi dōcques iugez, Madame, par vostre coustumiere equité, cōbien nous viennēt à gain & proffit vos sainctes cōseils & aduis: car les prudēs & biē aduisez fōt par leurs bōs cōseils q̄ les Royaumes soiēt tranquilles, & les peuples d'icelles reünis: Attēdu que le cōseil meuremēt pris & resolu, vainc beau-



coup de mains : au cōtraire temerité inconseillée avecques multitude est aneantie. Car, Madame, le sage gouuerneur instruit son peuple, & la principauté du prudent est bien ordōnee. Ce qui considereement fait aduiser à vostre respect, cōme celle qui par vostre rare candeur & coustumiere bien-vueillance auez gagné le cueur des plus grāds Rois & Princes de la terre: pour d'un nœud Gordian les r'allier avecques le Roy vostre fils, au grand repos & vnion de ses bons subiets.

Et vous, hommes François, tant aimez & chéris de vostre bon Roy, iusques à quand abuserez vous de sa patiēce, de sa douceur & clemēce rare? Ne voulez-vous point despouiller ces harnois froissez? ces corselets? ces saigneuses armes ensanglantees de vostre sang mesme? Dōt viennent telles licēces d'armes, telles impressiōs belliques, & appareils hostils: dont viennent telles rācueurs, tels orgueils acretez, & telles haines plus que capitales? Ne craignez-vous point l'ire du Dieu des armées? du Dieu (dy-ie) qui fait tomber à honte & ruine les braueries des peruers, & qui arrache mesmes les racines des natiōs orgueilleuses, & plāte avecques gloire les petits en leurs places? Certes, hōmes François, le sang innocent & triste crie vers luy, & les ames des iustes le reclament: Parquoy sa dextre ne pardonnera point au meschāt, & son glauiue ne se departira point de ceux qui respendent le sang innocent sur la terre. O gent née entre les fers, l'acier & les armes, gent cōtraire &



aduerfaire de paix, gēt ennemi des Rois, des Rois (dy-ie) qui luy sont destinez & beneits du Ciel. Certes les Rois nous sont proposez de Dieu pour volōtairement estre seruis & obeis de leurs subiets, leur estant sainctement ministré du Ciel moyens & cōseils pour maintenir leurs peuples en equité & droiture. Car (cōme dit Hesiodé) les Rois sont issus du Ciel, pour paroistre & resplandir sur les hōmes, & maintenir en leur entier les preferences & liberté des iustes, pour honteusement renuerfer, ou du tout exterminer les coupables. Ce qu'en ma Soltane tragiquemēt i'ay chanté avecques l'Homere,

*Non, non, Sophe, les Princes*

*Ne sont nez avec nous en ces basses Prouinces,  
Ains là hault sainctement du Ciel estans issus,  
Et du sang de Iuppin diuinement conceus.*

Mais encores, hōmes Frāçois, ne doutez vous point l'ire de la Majesté de nostre Roy? Ne lisez vous pas au saint texte, Que la terreur d'un Roy est comme le rugissement d'un lionceau, & ceux qui le font courroucer pechēt contre leurs ames. Non, non, hōmes Frāçois, c'est par expres octroy & vouloir de Dieu que les Rois regnent, & ceux qui font les loix ordonnent choses iustes. Et à bō droict certes: Car les principautez de la terre sont en la main du Seigneur, & ceux qui les regissent, par luy establis. Gardons nous bien, hōmes Frāçois, que ne soyons senestremēt touchez de l'injure & marque tant reprochee aux Romains, qui

estoit d'auoir le nom de Roy en haine & horreur.  
 Vrayement, le don de regner est vn sainct mini-  
 tere de Dieu : & sont les Rois de la terre par luy  
 oreesleuz pour estre chers & reuez par leurs  
 subiets, comme chers mignōs & Anges de Dieu,  
 ou Dieux secondaires. Certes, hommes François,  
 si vous poissiez bien à l'equilibre d'equite la char-  
 ge & accablant faiz que soustiennent les Rois &  
 Princes terriēs, les soings & cures qui les poignēt  
 pour no<sup>r</sup> maintenir en paix & liberte : à bō droict  
 vous iugeriez que c'est d'estre Roy. Comme nous  
 lisons d'Antigone, qui à vne bonne vieille qui le  
 loüangeoit pour la grandeur & felicité du nom  
 d'Empereur, luy dit ainsi : bōne femme, si tu sca-  
 uois de quātes peines & aigreurs est plein ce dia-  
 deme, s'il gisoit en vn boubier, à peine le vou-  
 drois-tu recueillir. Il ne vous fuit point, hōmes  
 François, le festin & conuoy que fit Denis Syra-  
 cusan à Damocle, pour luy monstrier les trauaux  
 & peines insouffrables qu'endureroyent les Rois  
 terriēs. Vous n'ignorez aussi ce que disoit ce bon  
 Roy, qui forcē de prendre la tyare, premier que  
 l'apposer sur son chef, la regarda d'vn œil de pic-  
 tē, en disāt ces mots : ô Diademe pl<sup>r</sup> noble qu'heu-  
 reux ! Que diray-ie d'Abdolomine, qui simple ci-  
 toyē s'aduifant à cultiuer vn petit iardin fut creē  
 Roy des Siconiēs, & approuuē tel par Alexādre.  
 Ce qu'il refusa instanment, tellement qu'il fut  
 contraint par la voix & suffrage de tous de l'ac-  
 cepter. Certes, hommes François, ie ne vous

puis assez loüanger les vertus & raretez desquel-  
les seroit remply nostre Roy: comme le paragon  
& archetype de toutes excellences, n'approchant  
rien à ses vertus & proüesses la louange de Probus  
Empereur; ou d'Vlpie Traian, tant recommandé  
pour la diligence dont il vsoit és choses militai-  
res, & de la douceur enuers ses subiets, vsant de  
saincteté en sa maison, és armes de force, & par  
tout de prudence. Indoutablemēt, si le Roy Loys,  
fils de Charlemagne par le comble de ses vertus  
rars iadis auroit esté surnōmé le debōnaire, sans  
cōtredit & à bon droiēt nous pouuōs bien appel-  
ler cestuy nostre Roy le beneïst de Dieu: Car ie ne  
leuz oncques que sous le regne d'aucuns Roys  
ayent esté assoupis & enseuelis au cercueil d'ou-  
bliance plus de troubles, diuisions, & guerres in-  
testines, que sous cestuy Roy Henry. Vous  
sçauēz, hommes François, de quelle face au-  
guste & modestie incroyable, il a supporté vos  
ieunesses, ou plustost vos insults hostils & insolē-  
ces tragiques. Ouy vous le sçauēz: à tant vous en  
doit suffire. Vrayemēt ie croy, & ce n'est foy vai-  
ne, qu'il ne fut oncques veu Roy si humain, & de  
si aisé & facile accès. Vous le sçauēz, hōmes Fran-  
çois, & de quelle patiēce & cādeur de iour à autre  
il oyoit vos requestes, voire le plus souuēt impor-  
tunes. Peu certes a vallu aux autheurs Romains  
de tenir en telle preference, & si haut degré leur  
Octauian Auguste, & Tybere Cēsar, pour les re-  
commander à leurs puis-nez de leurs facilitez ac-



## H A R A N G V E

eſſibles: Et à bon droit mō dire rencōtroit trop  
 us de faueur és cueurs des liſans ſans cōparaifon.  
 n racomptāt l'hiftoire d'vn ieune Roy tant au-  
 uſte, que non à diſcourir vne Romaide: Qui ſe-  
 bit proprement compter choſe plus antique que  
 Diphthere. O Dieu immortel! mais qui eſt le  
 toicien ſi apatique, qui n'eufſt perdu ou eſgaré  
 es meilleurs eſprits, ſe voyant tant de fers, tāt de  
 eux & armes noiſiues: Las! vous ſçauetz, hōmes  
 François, à l'exemple d'Antoine Pie Empereur,  
 e quelle grace & pieté il a vſé enuers les aucuns,  
 & vſeroit encores enuers ceux qui voudroiēt prē-  
 re les armes contre ſes Ediēts: ſans qu'il vueille  
 qu'ils ſoyēt recherchez, ſçachant biē qu'il eſt Lieu-  
 enāt de Dieu, iuſte executeur de ſa volōté, & cō-  
 ſeruateur de ſes treſſainctes loix: & ainſi remet-  
 tant entre ſes mains la iuſte vengeance de telles  
 oſees entrepriſes. Cōme nous liſons de Tite Veſ-  
 baſiā, qui ne permit punir & mulcter ceux qui cō-  
 tre luy auoyent brigué l'Empire Romain, diſant  
 que les Empires eſtoyēt deſtineemēt deferez du  
 Ciel. O cādeur & debōnaireté incroyable! ô Roy  
 Fortuneemēt heuré, Roycheri & beneiſt de Dieu!  
 Vrayement, hommes François, ſi Traſibule a  
 acquis loz & nom immōrtel pour auoir introduit  
 chez les Atheniens la loy d'Amniſtie. que deſſer-  
 uira donc ceſtuy noſtre Roy, qui a interdiēt tou-  
 tes partialitez par ſon Ediēt de paix: voulant  
 toutes querelles priuees demeurer enſeuelies  
 ſouz oubliāce: Marc Antoine Empereur eſt loūā-

AV PEUPLE FRANÇOIS.

g   d'auoirplor   la mort & occision d'AuidieCa  
sie son capital aduersaire:disant qu'il luy despla  
soit dont l'on l'auoit occis, & qu'il voudroit qu'il  
fust plein de vie pour exercer enuers luy tou  
droits & functi  s de piet  . Mais que dir  s nous  
de cestuy nostre Roy, qui pend  t ces guerres ciu  
les n'a permis d'une part & d'autre aucune tuerie  
ou occision, ayant reintegr   les proscrits en leurs  
biens & familles? A bon droit, h  mes Fran  ois  
nous deu  s rec  gnoistre, louer & admirer les in  
comparables vertus dont prodigalem  t il est em  
belli & dou  . Autrement mentiroi  t ces caract    
res & figures diuines qu'il auroit imprimees au  
front, indice de l'esprit: & not  ment ces deux li  
gnes droictes & simples sises au lieu de Mercure  
qui ne denoteroy  t autre chose que la magnani  
mit  , droiture & rondeur dont heureusement il  
seroit remply. Ceux qui ne le c  gnoissent par art  
& science, le peuuent ainsi iuger par ses   uures.

Or d  c, h  mes Fr  an  ois reuerons en toute hum  
blesse ce petit Roy, tant heureusement beneit du  
ciel, lequel c  me le Roy d'une arm  e d'abeilles  
est sans aguill  , arm   de sa seule gr  ceur & maie  
st  : Vsons enuers luy de la Protomedie,    l'ex  ple  
des Mages pour meritoirem  t nous acquerir ses  
grace & faueur, s  s luy m  quer d'un ongle trauers  
des deuoirs & fonctions muneraires en quoy luy  
seri  s estroittement obligez. Receuons-le en ces  
citez & belles Prouinces: esp  r  s luy des oliuiers  
en signe de paix. Non non il abhorre l'effusi   du

H A R A N G V E A V P E V P L E F R A N Ç O I S.

Ang des Frâçois, il veut que les releguez retour-  
nēt, & que les proscripts recoiuent leurs biēs: Voi-  
te qu'il diroit volontiers avec Marc Antonine  
Empereur, *Vtinā possem multos etiā ab inferis excita-*  
*re!* Ainsi dōcques hōmes Frâçois, receuons-le a-  
vec Harâques & feux de ioye és palais & manoirs  
royaux de ses Prouinces: Et qu'il soit crié par les  
rues & tous endroits & cōtrees de la Frâce, ce qui  
se disoit par le menu peuple à l'eslectiō de Maxi-  
me & Balbine Auguste: Il est equitable, il est ius-  
te, Henry roy inuincible, Dieu vous benisse:  
Dieu vous a fait roy, Dieu vous conserue.

Sus, sus, hōmes Frâçois, laissons ces partialitez  
& rancueurs: Laissons ces feux, ces brandons, ces  
armes saigneuses: Et soyons sages de nos perils  
mesmes, preuoyans les pertes, tueries, & impres-  
siōs belliques, qui nous ont charroyé ces guerres  
passees, où nous auōs veu par tel desastre prepō-  
stereemēt les peres inhumer leurs enfans ja grāds  
& adults, perdre & ruiner par incēdie tant de bel-  
les villes. Vrayemēt, hōmes Frâçois, il n'y a rien  
qui soit tāt digne du nō & liberté du bon citoyē,  
que de detester & fuyr telles guerres ciuiles, mes-  
mement ceux qui se veulēt nōmer & daigner du  
nō de Chrestié, cōme ne leur estāt rien tāt cher &  
plus recommandé que la paix: laquelle Dieu par  
droict hereditaire no<sup>r</sup> a delaissee pour viure en-  
semble, en vnitē de foy & Religion.



